



UNIVERSITÄTS-  
BIBLIOTHEK  
PADERBORN

**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

5. Et garrulæ.

---

[urn:nbn:de:hbz:466:1-68709](#)

janua cum stridore clausa , samium vasculum rimâ pertusum , emota loco suo acicula , synthesis non satis à sapone candens , cyclas minus decorè in plicas aptata , ruga in mappa mensæ instrata , superi ! quas non rarò tempestates in his dominis excitant ! quantûm effervescunt , quantum spumant ! quam tonant & fulminant , totamque à sedibus imis domum evertunt ! Malè illi , qui contrâ mutire ausit , Ardet bile jecur , quæ non in famulos duntakat ac famulas , sed in maritos quoque effunditur & evomitur . Hic bonus vir , si sapit , palliolum suum humeris pacatè injiciet , & silente pede se tecis efferet , ne novus Socrates novam Xantippen sentiat . Atque hos animos addit feminis genus & opes ; ad quæ si accesserit forma , tum enim verò actum est de imperio . Cede Junoni Jupiter , & alicubi *Sosiam* age ; domina cœlum obtinet , & regnat . Hinc à pedibus & officiis ancillaribus est ei Iris , Thaumantis ( ab admiratione sic nominati ) filia alata , versicolore cultu ; quodque fuit Mercurius Jovi , hoc erat Iris Junonis nisi quod Mercurius ad concordiam , Iris ferè ad discordiam curandam mittitur , ut observat Jac. Pont. in 5. Aeneid. v. 606. & lib. 9. v. 2. Juxta illum Iris , quasi *ēris* , *lis* , vocatur , quanquam alii ab *ēgen* loqui malunt deducere . Nempe qualis hera , talis pedisequa , admirationem à superba forma & colore vestium vario quærens ; de quo Virgil. 4. En.

Mille trahens varios aduerso sole colores .

Prompta ad rixas concitandas : loquax ad sermones differendos : levvis , vaga , volatica .

(e) Volebam hic præterire anserem , Junoni sacratum nisi importuno clamore suo se proderet , & vellet dici . Loquacitatis hanc avem esse symbolum , quis nescit ? Admittamus igitur Junonis inter pedisequas inquietum animal , & collum ejus sublime applicemus ad Junonium , quem exagitavimus , fastum ; streperam verò linguam garrulitati , doti feminarum propriæ , dicemus , dedicemus . Illud in anserino genere lepidum est observatu ; cum per januam quantumvis altam volucris hæc ingreditur , inclinat caput , ne scilicet illud ad postes superiores impingat . Nempe collum longiusculum putat esse colossum Rhodium , aut equum Trojanum , quem portarum angustiæ non capiant . Genius hic est superbiæ , præsertim feminineæ , quæ cum caput crinitis affidicat turribus , cœlum sibi vertice tangere videtur .

V. (f) Per pavonem opulentia symbolum homines denotari dicitur , Pierius testatur : & ideo pavo consecratus est Junoni , quod divisa-

K k k 3

tia-

(e) Cur anser Junoni sacer (f) Ala pavonis & pedes .

tiarum hæc sit præses Tutelaris. Divitiae plerumque conjunctæ sunt cum fastu, & spectari volunt, ut pavus; qui si admiratorem nullum habuerit caudatas opes contrahit. Per oculos in syrmate pavonino variegatos Mythologi ostendunt, magnas fortunas multis opus habere custodibus, ne surripiantur; & superbiam opulentorum detumescere, si considerent pedes, id est, finem, quem amplæ divitiae habere solent. Nemo horum beatorum felicitate sua securè gloriatur; terrent vicissitudines fortunæ, & ab externis insidiæ. Quis fortunatior olim Polycrate Samiorum tyranno? etiam projectum in mare annulum per pisces recepit, quasi ne studio quidem sinistram posset accersere fortunam. Sed evenitus ostendit, quó loco humana felicitas sit posita. Ab Orate enim Darii Persarum regis præfecto, in summo Mycalensis montis jugo, cruci affixus est. Quod suprà diximus. Ne fide; dum fortuna sœviens in arios, parcit tibi; suspectam habe, usuram exiget moræ. Hoc cauda pavonis, hoc docent pedes.

VI. (g) Per Junonem in medio ætheris pendulam, (ut demus hoc figmento Homericō) & injectis à Jove vinculis, nulla deorum vi solvendam, intelligitur, virum bonum, neque avaritia, neque ambitione, quod per Junonem indicatur, à recto dimoveri posse: quemadmodum Jupiter neque per Junonis opes nec per eloquentiam Mercurii, neque blanditiis Veneris, neque Martis minis, neque omnium deorum machinis permoveri potuit, ut plus possent illi in Junone solvenda, vel in terram detrahendā, etiæ ponderibus gravatā, quam ipse in ea alliganda, aut retinaenda. Mythologus.

VII. (h) Junonio lacte niveam in cœlo stellarum viam signatam esse, & in terris candore lilia picta, denotat, plurimum interesse, quæ fugat infans ubera, an cœlestis sit succus ille & divinus, nimirum à dea, qualis erat Juno, propinatus; an viperinus & orcinus à vipera aut Furia quapiam Acherontica factenti instillatus. Ille liquor rigabit indolem ad altiora & cœlestia aptam: castam, virgineam, labes & fortes exosam: hic despumabit virus olenitis male Veneris, & animi impurati, inque vita à primis cunabulis projecti. Felix illa mater, felix proles, cui hæc Lucina faverit; infelix, cum Lamia lactaverit fœtum!

Plura de hoc arguento locis aliis.



S Y M -

(g) Vir coniunctus. (h) Refert, quia nutrix sit puera.